

**PRIVREMENA  
TARIFA O NAGRADAMA I NAKNADAMA NOTARA  
(„Službene novine F BiH“, broj: 34/07)**

**Predmet tarife  
Član 1.**

Ovom privremenom Tarifom o nagradama i naknadama notara (u daljem tekstu: Tarifa) propisuje se način vrednovanja notarskog posla i obračunavanje nagrade za rad notara i naknade troškova notara u vezi sa objavljenim radom. Prema ovoj Tarifi vrednuju se poslovi propisani Zakonom o notarima.

**Notarska nagrada i naknade  
Član 2.**

- (1) Notaru pripada pravo na nagradu za svoj rad i naknadu troškova u vezi sa obavljenim radom u visini i na način regulisan ovom Tarifom.
- (2) U nagradi za notarski posao iz prethodnog stava ovog člana vrednovani su pripremni poslovi, koji su povezani sa notarskim poslom (savjetovanja sa strankom i drugim učesnicima u poslu, sastav, čitanje i obrazloženje i notarske isprave).

**Ekonomski najpovoljniji način postupanja  
Član 3.**

Prilikom obavljanja notarske djelatnosti notar je dužan postupiti na način koji je ekonomski najpovoljniji za stranke, osim ako stranke, nakon odgovarajuće pouke notara, zahtijevaju da se drugačije postupi.

**Povećanje nagrade  
Član 4.**

- (1) Za posao koji notar na zahtjev stranke ili iz opravdanih razloga obavi izvan radnog vremena propisanog odlukom nadležnog organa ili neradnim danima nagrada se povećava za 25%, s tim da povećanje ne može biti manje od 25 bodova.
- (2) Za posao koji na zahtjev stranke obavi izvan notarskog ureda, notar ima pravo na dodatnu nagradu zbog izbivanja iz ureda u visini od 50 bodova za svaki započeti sat izbivanja iz ureda, ukoliko drugačije nije određeno ovom Tarifom.
- (3) Ako notar posao poduzima izvan radnog vremena i izvan ureda, ima pravo na obje nagrade prema stavu 1 i 2 ovog člana.
- (4) Ako se kod pravnih poslova, čiji je predmet prijenos ili sticanje vlasništva ili drugih stvarnih prava na nekretninama kao i zaključivanja pravnih poslova iz oblasti prava privrednih društava, na traženje stranaka notar angažuje radi izvršenja (upisa) tog posla u javnim registrima (a što uključuje sastavljanje prijedloga odnosno prijave za upis i podnošenje registru prijedloga odnosno prijave za upis) notar ima pravo na dodatnu nagradu za tu aktivnost u visini 25% nagrade koja se plaća za notarsku obradu tog posla, s tim što kod upisa pravnog posla u zemljišne knjige dodatna nagrada ne može biti manja od 100 bodova, a kod upisa pravnog posla iz oblasti prava privrednih društava u registar dodatna nagrada ne može biti manja od 200 bodova.

- (5) Ako u sastavljanju notarski obrađene isprave sudjeluje više od dvije stranke, notar ima pravo na dodatnu nagradu za treću i svaku narednu stranku u visini od 10% pune nagrade po jednoj stranci, ali najviše 50% pune nagrade.
- (6) Ako u sastavljanju notarski obrađene isprave sudjeluju pozvani svjedoci ili tumači, notar ima pravo na dodatnu nagradu od 10 bodova po svakom svjedoku i 25 bodova po svakom tumaču.

### **Naknada troškova**

#### **Član 5.**

- (1) Stranka je dužna notar nadoknaditi sudske i upravne takse, nagrade za vještačenje, procjene, izdatke za čuvanje stvari, te sve druge nužne troškove vezane za obavljanje notarskih poslova.
- (2) Stranka je dužna nadoknaditi notar izdatke za PTT usluge, obrasce, bankovne poslove uključujući i troškove povjereničkog računa, fotokopiranje dokumentacije i druge izdatke. Te izdatke notar obračunava samo u stvarnoj visini.
- (3) Notar ima pravo na naknadu troškova prijevoza, ako su ti troškovi povezani sa obavljanjem notarskih poslova. Troškovi prijevoza pripadaju notar u visini cijene avionske karte ili drugog prijevoznog sredstva koje koristi. Za upotrebu vlastitog automobila, notar pripada naknada od 35% važeće cijene benzina za 1 litar za svaki pređeni kilometar.
- (4) Ako mora ostati na putu izvan službenog sjedišta duže od jednog dana ili mora prenoćiti u hotelu, notar ima pravo na naplatu dnevnice i troškova hotelskog smještaja, osim u hotelu „L“ kategorije. Dnevnicu se obračunava u visini dnevnice sudije Kantonalnog suda na području gdje se nalazi notarski ured.

### **Osnovi za određivanje nagrade**

#### **Član 6.**

Nagrade za notarski posao po ovoj Tarifi određuju se:

- prema vrijednosti predmeta,
- prema utrošenom vremenu,
- u stalnom iznosu.

### **Određivanje nagrade prema vrijednosti predmeta**

#### **Član 7.**

- (1) Za obradu notarskih isprava i za obavljanje drugih notarskih poslova, kod kojih je vrijednost predmeta poznata ili se može utvrditi, nagrada se određuje prema vrijednosti predmeta na koji se posao odnosi. Za određivanje vrijednosti mjerodavno je vrijeme poduzimanja notarskog posla.
- (2) Osnov za određivanje nagrade je stvarna prometna vrijednost stvari, koja je predmet notarske isprave bez odbitaka dugova.
- (3) Ako je predmet pravnog posla potraživanje, uzima se samo glavno potraživanje bez sporednih potraživanja, kao što su kamata, ugovorna kazna, troškovi postupka i sl.
- (4) Izuzetno, notar može odrediti tržišnu vrijednost bez obzira na vrijednost koju stranka ili drugi učesnici u poslu navedu kao vrijednost pravnog posla, ako tako navedena vrijednost ne odgovara prometnoj vrijednosti. Pri tome notar mora uzeti u obzir vrijednost stvari koja se postiže u uobičajenom pravnom prometu uzimajući u obzir

svojstva stvari i službeno poznate činjenice kao što su procjene nadležnog poreskog organa za tu ili slične stvari na tom području, podatke drugih organa uprave, cijene koje se za slične stvari postižu na javnoj licitaciji i sl.

- (5) Kod podjele zajedničke imovine, ugovora o diobi ili zamjeni i kod sličnih pravnih poslova kao osnova za određivanje nagrade uzima se vrijednost ukupne imovine koja je predmet pravnog posla.
- (6) Za sastavljanje notarskih isprava o privrednim ugovorima osnova za određivanje nagrade je vrijednost predmeta određena u ugovoru.
- (7) Za sastavljanje akata o osnivanju društva i drugih pravnih lica, te za potvrđivanje odluka organa upravljanja, osnova za određivanje nagrade je vrijednost osnovnog kapitala, a kod izmjene osnovnog kapitala vrijednost izmijenjenog osnovnog kapitala.
- (8) Kod prijenosa udjela u privrednom društvu mjerodavna je vrijednost prenesenog udjela ako je viša od protučinidbe, a ako je niža, mjerodavna je vrijednost protučinidbe.
- (9) Kod ugovora o spajanju ili pripajanju privrednih društava, osnova za određivanje nagrade je ukupna vrijednost osnovnog kapitala svih društava.
- (10) Ako su predmet pravnog posla vrijednosni papiri koji kotiraju na berzi, osnova za određivanje nagrade izračunava se po berznom kursu važećem na dan prije sklapanja pravnog posla.
- (11) Notarski poslovi koji nisu opisani u posebnom dijelu tarife vrednuju se uspoređivanjem sličnih poslova čija je vrijednost ocijenjena u posebnom dijelu tarife. Pri vrijednovanju se uzimaju u obzir tarifne stavke za slične radnje i utrošeno vrijeme, te odredbe općeg dijela tarife.

### **Određivanje nagrade prema utrošenom vremenu**

#### **Član 8.**

- (1) Kada se nagrada za obavljeni notarski posao ne može odrediti prema vrijednosti predmeta niti u stalnom iznosu, odredit će se prema utrošenom vremenu.
- (2) Pri određivanju vremena potrebnog za pojedinačni notarski posao, pored vremena koje je potrebno za sastavljanje notarske isprave ili za drugi notarski posao, uzima se u obzir i vrijeme koje je notar utrošio za savjetovanje sa strankom i drugim učesnicima, vrijeme za druge pripremne poslove notara i vrijeme odsustvovanja iz ureda, ako se posao obavlja izvan notarskog ureda.

### **Sistem bodovanja za određivanje nagrade prema vrijednosti predmeta**

#### **Član 9.**

- (1) Vrijednost predmeta i nagrada za notarski posao sa brojem bodova, nalazi se u posebnom dijelu tarife i čini njen sastavni dio.
- (2) Nagrada za obavljeni posao notara određuje se tako što se zbir bodova za pojedini notarski posao pomnoži sa vrijednošću boda.
- (3) Vrijednost boda bez poreza na dodatnu vrijednost iznosi 0,80 (nula/osamdeset) KM.
- (4) Pored nagrade za obavljeni posao, notar je dužan da obračuna strankama i porez na dodanu vrijednost, osim ukoliko u zakonom predviđenim slučajevima ne postoji obaveza plaćanja ovog poreza.

## **Ništavnost dogovora**

### **Član 10.**

Dogovor o visini nagrade koji bi notar sklopio u suprotnosti sa odredbama ove Tarife je ništav, a notar čini povredu službene dužnosti iz člana 120. st. 1. tačka 3. Zakona o notarima F BiH.

## **Nezavršen posao i davanje savjeta**

### **Član 11.**

- (1) Ako notar na traženje stranke sačini nacrt neke isprave a taj nacrt se ne pretvori u notarski obrađenu ispravu, notaru pripada 50% nagrade predviđene za notarsku obradu.
- (2) Ako stranka za vrijeme dogovora o izradi notarske isprave odustane, notaru pripada nagrada u iznosu od 50% nagrade predviđene za notarsku obradu.
- (3) Notar nema pravo na nagradu za savjete koje daje u pripremi ili u vezi sa glavnim poslom za koji naplaćuje nagradu.
- (4) Notar ima pravo na nagradu za savjete koje daje na zahtjev stranaka u svim drugim slučajevima mimo stava 3. ovog člana i to u visini od 30 do 300 bodova, u zavisnosti od vrijednosti predmeta kojeg se savjetovanje tiče, potrošenog vremena i mjesta gdje je radnja poduzeta.
- (5) Ako notar u roku od godinu dana izvrši obradu isprave na osnovu nacrta koji je on sačinio prema stavu 1. i 2. ovog člana ili ako na osnovu savjetovanja prema stavu 4. ovoga člana izvrši notarsku obradu isprave u nagradu za notarsku obradu isprave se uračuvana (odbija) nagrada plaćena za izradu nacrta odnosno savjetovanja.

## **Nevažće i neupotrebljive isprave**

### **Član 12.**

Za notarsku ispravu za koju se utvrdi da je zbog greške u obliku ili krivicom notara nevažća, a prijepisi, potvrde i ovjere neupotrebljivi zbog formalnih nedostataka za koje je odgovoran notar, nagrada se ne plaća, a već plaćenu nagradu notar je dužan vratiti.

## **Dužnost plaćanja nagrade**

### **Član 13.**

Ako je više stranaka učestvovalo u sklapanju pravnog posla pred notarom ili je notar izvršio jednu radnju za više stranaka, sve te stranke solidarno duguju nagradu i naknadu troškova notaru, ako se stranke drugačije ne dogovore.

## **Plaćanje nagrade i akontacije**

### **Član 14.**

- (1) Notar ima pravo na nagradu neposredno nakon obavljanog posla.
- (2) Obveznik plaćanja notarskog posla dužan je plaćati notaru uslugu prema tarifi koja je na snazi u vrijeme kada je notar posao obavio, pri čemu se uzima u obzir vrijednost boda, koja važi u vrijeme kada je posao plaćen.
- (3) Notar može zahtijevati da mu stranka kod narudžbe posla plati odgovarajuću akontaciju za potrebne izdatke i troškove, te za nagradu u iznosu do 50% očekivane nagrade.

- (4) Ako akontacija nije plaćena odmah ili u roku koji odredi notar, notar je dužan obaviti posao tek nakon prijema akontacije.

### **Sudjelovanje svjedoka i sudskog tumača** **Član 15.**

Učesnici pravnog posla dužni su platiti i troškove svjedoka i sudskog tumača, te nagradu koja pripada sudskom tumaču.

### **Predaja dokumentacije i obračun** **Član 16.**

- (1) Notar je dužan predati stranki ili drugim učesnicima notarsku ispravu odnosno prijepise, potvrde, ovjere, te ostale isprave namijenjene strankama i učesnicima tek nakon što su troškovi, izdaci i nagrade plaćeni u cijelosti.
- (2) Notar je obavezan stranci izdati specifikovanu potvrdu o plaćenju nagradi i naknadi troškova.

### **Izmirenje spora mirnim putem** **Član 17.**

Ako stranka nije saglasna sa nagradom i naknadom troškova koje je odredio notar, ona ili notar mogu zahtijevati rješavanje spora mirnim putem od nadležnog organa Notarske komore.

### **Vremensko važenje tarife** **Član 18.**

Ova privremena Tarifa o nagradama i naknadama notara ostaje na snazi dok ne stupi na snagu Tarifa o nagradama i naknadama notara, s tim da će Federalno ministarstvo pravde u skladu sa odredbama Zakona o notarima u roku od tri mjeseca od dana stupanja na snagu ove privremene Tarife donijeti Tarifu o nagradama i naknadama notara.

### **Stupanje na snagu** **Član 19.**

Ova privremena Tarifa o nagradama i naknadama notara stupa na snagu narednog dana od dana objavljivanja u „Službenim novinama Federacije BiH“.

## **B. POSEBNI DIO**

### **TARIFA** **Nagrada prema vrijednosti predmeta notarskih isprava** **Tarifni broj 1.**

- (1) Za sastavljanje notarske isprave, koja ne spada u tarifni broj 2. do tarifnog broja 17. nagrada s obzirom na vrijednost predmeta iznosi:

| <b>Vrijednost predmeta</b> |              | <b>Nagrada</b> |
|----------------------------|--------------|----------------|
| <b>Od KM</b>               | <b>Do KM</b> | <b>bodova</b>  |
| 0                          | 500          | 75             |
| 500                        | 1.000        | 120            |
| 1.000                      | 2.500        | 150            |
| 2.500                      | 5.000        | 200            |
| 5.000                      | 10.000       | 250            |
| 10.000                     | 20.000       | 320            |
| 20.000                     | 30.000       | 400            |
| 30.000                     | 40.000       | 450            |
| 40.000                     | 50.000       | 500            |
| 50.000                     | 60.000       | 550            |
| 60.000                     | 80.000       | 600            |
| 80.000                     | 100.000      | 700            |
| 100.000                    | 150.000      | 800            |
| 150.000                    | 200.000      | 900            |
| 200.000                    | 250.000      | 1.000          |
| 250.000                    | 300.000      | 1.200          |
| 300.000                    | 400.000      | 1.400          |
| 400.000                    | 500.000      | 1.600          |
| 500.000                    | 750.000      | 2.000          |
| 750.000                    | 1.000.000    | 2.500          |

- (2) Pri vrijednosti predmeta preko 1.000.000 KM, za svakih započelih 100.000 KM nagrada se povećava za 100 bodova, ali najviše može iznositi 4000 bodova.

### **Buduće činidbe i ugovori o zakupu Tarifni broj 2**

- (1) Za notarsku obradu isprave koja za predmet ima pravo na buduće činidbe (davanja) koje se ponavljaju, nagrada notara odmjerava se prema vrijednosti svih činidbi za vrijeme ukupnog ugovornog razdoblja, ali najviše do iznosa koji odgovara zbiru vrijednosti tih činidbi za vrijeme od pet godina.
- (2) Za notarski obrađenu ispravu ugovora o zakupu odredit će se nagrada prema vrijednosti zakupnine za dogovoreni period, ali najviše za period od tri godine, a kod ugovora o zakupu ili podzakupu koji se odnose na stambene prostorije, za period najviše od jedne godine. Nagrada se obračunava po tarifnom broju 1., ali najviše 500 bodova.

### **Testament, zavještanja, punomoć i jednostrane izjave volje u vezi sa stvarnim pravima Tarifni broj 3**

- (1) Za notarsku obradu testamenta ili zavještanja odredit će se 50% nagrade po tar. broju 1 ali najmanje 300 a najviše 600 bodova.

- (2) Za notarsku obradu punomoći i za jednostrane izjave u pogledu stvarnih prava na nekretninama (dozvole knjiženja, brisovne dozvole i sl.) odredit će se 25% nagrade po tar. Broju 1, ali najmanje 50 a najviše 300 bodova.

### **Bračni ugovori i porodičnopravni poslovi** **Tarifni broj 4**

- (1) Za notarski obrađenu ispravu bračnog ugovora odredit će se nagrada prema vrijednosti imovine obiju ugovornih strana koja je predmet ugovora. Nagrada se obračunava po tarifnom broju 1. ali ne manje od 300 bodova.
- (2) Ako se kod bračnog ugovora ne može odrediti, nagrada prema vrijednosti, notar ima pravo na nagradu prema utrošenom vremenu ali ne manje od 300 a ne više od 500 bodova.
- (3) Za notarsku obradu izjave o priznanju materinstva ili očinstva i o pristanku majke na priznanje očinstva notar ima pravo na nagradu u visini od 200 bodova.
- (4) Za notarsku obradu sporazuma roditelja, o visini odnosno povišenju doprinosa za izdržavanje djeteta odredit će se nagrada prema vrijednosti jednogodišnjeg iznosa doprinosa za izdržavanje. Nagrada se obračunava po tarifnom broju 1. ali ne manje od 150 i ne više od 300 bodova.

### **Nasljednopravni poslovi** **Tarifni broj 5**

- (1) Za notarsku obradu ugovora o raspolaganju za slučaj smrti nagrada se određuje prema vrijednosti imovine ostavitelja koja je predmet raspolaganja. Nagrada se obračunava prema tarifnom broju 1 ali ne manje od 300 bodova.
- (2) Za notarsku obradu ispave o ustupanju i raspodjeli imovine za života nagrada se određuje prema vrijednosti ukupne imovine koja se ustupa i raspodjeljuje. Nagrada se obračunava prema tarifnom broju 1 ali ne manje od 300 i ne više od 2.500 bodova.
- (3) Za notarsku obradu sporazuma o odricanju od nasljedstva nagrada se određuje prema vrijednosti nasljednog dijela za koji se vrši odricanje i obračunava se prema tarifnom broju 1 ali ne manje od 200 i ne više od 600 bodova.
- (4) Za notarsku obradu isprave o primanju nasljeđa ili odricanju nasljeđa nagrada se određuje prema vrijednosti nasljednog dijela za koji se vrši primanje odnosno odricanje. Nagrada se obračunava u visini od 25% nagrade po tarifnom broju 1, ali ne manje od 50 a ne više od 300 bodova.
- (5) Za povjereni posao i procjene imovine u ostavinskom postupku nagrada se određuje prema ukupnoj vrijednosti te imovine i obračunava prema tarifnom broju 1 ali ne manje od 300 i ne više od 600 bodova.

### **Privredni ugovori** **Tarifni broj 6**

- (1) Za notarske obrade privrenih ugovora i drugih ugovora kod kojih učestvuje pravno lice ili poduzetnik, odredit će se nagrada po tar. Broju 1., uvećana za 50% a najviše do 5.000 bodova.
- (2) Za notarsku obradu privrednih ugovora, kod kojih se vrijednost ne može utvrditi, nagrada se utvrđuje prema utrošenom vremenu, ali ne manje od 350 a ne više od 2.500 bodova.

## **Privredna društva Tarifni broj 7**

- (1) Za notarsku obradu osnivačkih akata privrenih društava odredit će se nagrada po tar. Broju 1. uvećana za 100%, ali najmanje 500, a najviše 5.000 bodova. Za potvrdu statuta privrednih društava odredit će se nagrada po tar. broju 1., ali najmanje 350, a najviše 700 bodova.
- (2) Za saradnju notara kod notarskih poslova za društva i druga pravna lica odredit će se nagrada s obzirom na vrijednost osnovnog kapitala društva, i to:
  1. za prisustvovanje na skupštini dioničkog društva ili drugog organizacionog oblika, uključujući sastavljanje notarskog zapisnika, nagrada iznosi:
    - pri vrijednosti osnovnog kapitala  
do 10.000,00 KM .....500 bodova
    - pri vrijednosti osnovnog kapitala  
od 10.000,00 KM do 50.000,00 KM.....700 bodova
    - pri vrijednosti osnovnog kapitala  
od 50.000,00 KM do 500.000,00 KM .....1.500 bodova
    - pri vrijednosti osnovnog kapitala  
od 500.000 KM do 2.000.000 KM .....2.000 bodova
    - pri vrijednosti osnovnog kapitala  
preko 2.000.000 KM .....2.500 bodova

Ako notar prisustvuje Skupštini duže od tri sata pripada mu dodatna nagrada za svaki započeti sat po 75 bodova.

2. za sastavljanje zapisnika kojim notar potvrđuje odluke drugih organa društva osim skupštine ili odluke jednočlanog privrednog društva (osim dioničkog društva) po tar. broju 1., ali najmanje 150, a najviše 300 bodova.
3. za sastavljanje svake notarski obrađene isprave u postupku o podjeli, pripajanju ili spajanju društva, nagrada se određuje po tar. broju 1. uvećana za 100%, ali najmanje 400, a najviše 1000 bodova.
4. za notarsku obradu isprave kojom se mijenjaju članski udjeli, kao i za notarsku obradu isprave o istupanju odnosno pristupanju člana društva, nagrada se određuje po tar. broju 1., ali najmanje 300, a najviše 2500 bodova.
5. za notarsku obradu izmjena osnivačkih akata kojima se vrše ostale promjene predmeta upisa nagrada se određuje po tarifnom broju 1. ali ne manje od 300, a ne više od 600 bodova.

## **Ovjera fotokopija i prijepisa Tarifni broj 8**

- (1) Notar ima pravo na nagradu za svaku ovjeru fotokopije dokumenta u iznosu od 4 boda za jednu stranu, a za svaku slijedeću stranu, notar ima pravo na dopunsku nagradu od po 2 boda.
- (2) Za svaku ovjeru prijepisa nagrada iznosi 4 boda za jednu stranu, a za svaku slijedeću stranu, notar ima pravo na dopunsku nagradu od po 2 boda.

**Ovjera izvoda iz trgovačkih i poslovnih knjiga  
Tarifni broj 9**

Ovjera izvoda iz trgovačkih, poslovnih i drugih javnih registara se naplaćuje 10 bodova po stranici.

**Ovjera potpisa  
Tarifni broj 10**

- (1) Za ovjeru potpisa na najviše dva primjerka istovjetne isprave, notar ima pravo na nagradu od 5 bodova po svakom potpisu, a za ovjeru potpisa na svakom slijedećem primjerku te iste isprave, notar ima pravo na dopunsku nagradu od po 2 boda.
- (2) Ako pri ovjeri potpisa učestvuju i svjedoci, notar ima pravo na dopunsku nagradu od 5 bodova za svakog svjedoka.
- (3) Notar ima pravo na dopunsku nagradu od 5 bodova ako pri ovjeri učestvuje tumač ili prevodilac.
- (4) Ako je stranka slijepa ili nepismena, notar za čitanje isprave ima pravo na dopunsku nagradu od 10 bodova, a za svaku narednu stranicu po 3 boda.
- (5) Ako se ovjerava potpis lica kao zastupnika pravnog lica, notar ima pravo na dopunsku nagradu od 5 bodova po svakom takvom potpisu.

**Potvrda o vremenu kada je pismeno predočeno  
Tarifni broj 11**

- (1) Za potvrdu o vremenu kada mu je pismeno predočeno, notar ima pravo na nagradu od 10 bodova.
- (2) Ukoliko stranka zahtijeva da notar utvrdi identitet lica koje je pismeno predočilo i lica kojem je pismeno predočeno, notar ima pravo na dopunsku nagradu od 20 bodova.

**Potvrda o životu nekog lica  
Tarifni broj 12**

Za potvrdu o životu nekog lica, notar ima pravo na nagradu od 50 bodova.

**Potvrde o činjenicama iz javnog registra  
Tarifni broj 13**

- (1) Za izdavanje potvrde o činjenicama iz javnih registara notar ima pravo na nagradu od 50 bodova kada tu potvrdu notar izdaje na osnovu uvida u ovjereni izvod iz javnog registra koji mu je stranka predočila.
- (2) Za radnje iz prethodnog stava notaru pripada nagrada od 150 bodova ako je za izdavanje potvrde izvršio uvid u javni registar, s tim da notar ima pravo na uvećanje te nagrade od 25 bodova za svaku slijedeću činjenicu (pod činjenicama se podrazumijeva vrsta upisanih podataka u odgovarajući javni registar), ali najviše 500 bodova.

**Potvrda drugih činjenica  
Tarifni broj 14**

- (1) Za potvrđivanje drugih činjenica notar ima pravo na nagradu od 150 bodova, uvećanu za utrošeno vrijeme njegovog prisustva preko dva sata i to za svaki započeti sat po 75 bodova.
- (2) U slučaju da se posao iz stava 1 ovog tarifnog broja vrši van notarskog ureda notar ima pravo na dodatno uvećanje nagrade iz stava 1 ovog tarifnog broja po 75 bodova za svaki započeti sat izbivanja iz notarskog ureda.

**Preuzimanje, čuvanje i predaja novca,  
vrijednosnih papira i isprava  
Tarifni broj 15**

- (1) Za preuzimanje, čuvanje i predaju novca i vrijednosnih papira nagrada iznosi prema vrijednosti:
  1. do 3.000 KM – nagrada 100 bodova,
  2. preko 3.000 KM do 10.000 KM – nagrada za svakih započelih 1.000 KM 10 bodova više,
  3. preko 10.000 KM do 100.000 KM – nagrada za svakih daljih 10.000 KM 10 bodova više,
  4. preko 100.000 KM za svakih daljih 500.000 KM – nagrada 15 bodova više, ali ne više od 500 bodova.
- (2) Za preuzimanje isprava na čuvanje i sastavljanje notarskog zapisnika o preuzimanju isprave notaru pripada nagrada u iznosu od 100 bodova za jednu ispravu i po 50 bodova za svaku narednu ispravu.

**Zemljišnoknjižni prijedlozi i sačinjavanje prijave za upis  
u registar poslovnih subjekata  
Tarifni broj 16**

- (1) Nagrada za sastavljanje zemljišnoknjižnog prijedloga iznosi 25% nagrade prema tar. br. 1, ali najmanje 50, a najviše 200 bodova.
- (2) Nagrada za sastavljanje prijave za upis osnivanja privrednih društava u registar poslovnih subjekata iznosi 25% nagrade prema tarifnom broju 1, ali najmanje 300, a najviše 500 bodova.
- (3) Nagrada za sastavljanje prijave za upis promjene podataka bitnih za pravni promet u registar poslovnih subjekata iznosi 25% nagrade prema tar. broj 1 ali najmanje 100, a najviše 300 bodova.

**Nagrade određene prema utrošenom vremenu  
Tarifni broj 17**

Nagrada prema utrošenom vremenu ako šta drugo ovom Tarifom nije određeno iznosi 75 bodova za svaki započeti sat rada i odredit će se:

1. za sastavljanje isprava, ako se vrijednost ne može odrediti,
2. za notarske poslove, ako ih nije moguće ocijeniti prema drugim tarifnim stavkama,
3. za pribavljanje raznih odobrenja saglasnosti, uvjerenja, izvoda iz javnih registara i sl.

**Nagrade u stalnom iznosu**  
**Tarifni broj 18**

Nagrade u stalnom iznosu odredit će se za sljedeće notarske poslove:

1. za izdavanje ponovnog prijepisa notarske isprave 50 bodova,
2. za dozvolu da se izvrši uvid u izvornik notarske isprave 50 bodova,
3. za izdavanje potvrde o postojanju izvornika notarske isprave 50 bodova,
4. za izdavanje ponovnog otpravka izvornika u svrhu izvršenja 200 bodova.

**Klauzula o izvršnosti**  
**Tarifni broj 19**

- (1) Za izdavanje potvrde strankama o izvršnosti notarski obrađene isprave notar ima pravo na nagradu od 75 bodova.
- (2) Ukoliko se u skladu sa notarski obrađenom ispravom vrši provjera ispunjenja uvjeta za davanje klauzule izvršnosti, nagrada iznosi 150 bodova.

**Naknada kancelarijskih troškova**  
**Tarifni broj 20**

Za izradu prijepisa notarskog izvornika te ovjerenih prijepisa drugih notarskih isprava, koje je istovremeno sa ispravom izdao notar, kao i za izradu fotokopija i prijepisa drugih dokumenata, naknada iznosi za svaku stranu 1 bod.

Broj 01-49/07  
7.maja/svibnja 2007. godine  
Sarajevo

Ministar  
Feliks Vidović, s.r.